

**Landesbibliothek Oldenburg**

**Digitalisierung von Drucken**

**Die Chronica Jeuerensis**

**Springer, Eilerdt**

**Jever, 1896**

Wo de Sassen mit Hertoch Hinrick van Ostringern tho Berckel vp de flucht  
geslagen worden.

**urn:nbn:de:gbv:45:1-4358**

Wo de Sassen mit Hertoch Hinrick van Ostringern tho Berckel vp de flucht geslagen worden.

De Sassen vnnd Vthlendischenn Herenn, de Inn denn bauenn geschreuen Krige leuendich gebleuenn weren, sint mit groter bedroffenisse Inn Schortense geflagenn, vnnd hebbenn gewunnenn Hertoch Hinrick vann Brunswick, de mit denn Holsters, Schwitzers, de vann Beieren, Butiaders, Sassen, Westphelinger, Hertoch Henrick gebodt vp tho Berckell Kerckenn vnnd Klusenn, vnnd Nemandt gesparet. Dusse hebbenn Paulunen vp gerichtet tho Berckell, vnnd brennenn Inn Rustringenn viff Dorper, vnnd Inn Ostringenn twe, Do togenn de Ostringenn em wolgewapent thomote vnnd slogenn em aff Sowentein Mann.

Also dith de Sassen seggen, nemenn se de flucht, vnnd de Ostringenn beheldenn ere Pawelunenn vnnd Roff, Darmede bleff Freslandt eine klene tidt mit freden, Dith was de erste stridt.

De ander stridt twisschen denn Ostringers  
vnd Harlingers.

Idt is gekamenn Inn disser vorbenomedenn tidt, einer vth denn Westenn, mit Namenn Dirick, sehr rick van gudern, de hefft gekofft ein Erue mit aller thobehoringe vann einer rikenn Wedewe Inn Ostringenn, Also dusse benante Dirick dith Erue ein tidtlanck mit fredenn hadde besetenn, Do quemen de Harlingers, vnnd berouedenn eme, vnnd nemenn ene Allent wat he hadde, also se der Wedewenn plegenn tho donde, ane recht vnnd Jenige ansprake.

Dissenn homodt klagede he denn Harlingers, Auerst sine klage wart by ene nicht geachtet, Darna klagede he idt denn Ostringenn, welcher vor dissenn Dirick vor eren Landtsatenn schreuen ann de Harlingers, dat se eme sinen schaden woldenn wedder beleggen, dat hefft so dre Jarlanck gestahn.